

蘇州府志卷第十六

田賦五

漕運

唐都長安而關中號稱沃野然其土地狹所出不足以給京

師備水旱故常轉漕東南之粟

唐書

開元十八年宣州刺史裴耀卿條上便宜曰江南送租庸調

物漕路多梗船檣阻溢江南之人不習河事轉雇河師水

手重爲勞費可於河口置倉使江南之舟不入黃河節級

轉運此甚利也

唐書

二十一年京師穀貴耀卿請罷陸運而置倉河口使江南

蘇州府志

卷十六

田賦五

一

漕舟至河口輸粟於倉而去縣官雇舟以分入河洛

唐書

廣德二年以劉晏顓領東都河南淮西江南東西轉運凡漕

事皆決於晏

唐書

宋大中祥符初江南淮南兩浙路租糴於真揚楚泗州置倉

受納分調舟船汴流入汴以達京師置發運使領之

宋史

建炎二年詔二廣湖南北江東西綱運輸送平江府

宋史

紹興初以兩浙之粟供行在以江東之粟餉淮東

宋史

元都於燕去江南極遠而百司庶府衛士之衆無不仰給於

江南自伯顏獻海運之言而江南之糧分爲春夏二運

元史

初海運之道由平江劉家港入海

元史

明洪武元年命浙江江西及蘇松等九府運糧三百萬石於

汴梁

續通典

二年令戶部於蘇州太倉儲糧二千萬石以備海運供給

遼東

續文獻通考

永樂十三年會通河成遂令浙江嘉湖杭與直隸蘇松常鎮

等府秋糧除存留並起運南京及供給內府等項外其餘

原坐海運之數盡撥運赴淮安倉

續文獻通考 又云是時陳瑄計議令民運糧

俱於淮安瓜洲補給腳費兌與軍船領運瑄又奏請於淮安瓜洲水次令軍民於此對船交兌令軍船出給通關付還與民令民補腳價在淮安水次者每正糧一石外加五斗在瓜洲水次者每正糧一石加三斗五升

十六年又令浙江湖廣江西布政司並直隸蘇松常鎮等

蘇州府志

卷十六

田賦五

二

府兌糧坐派二百五十萬石令糧里自備船隻運赴通州

河西務等處上倉

宣德二年令浙江江西湖廣並直隸蘇松等府起運淮安徐

州倉糧撥民自運赴通州倉其運糧軍士於淮安南京倉

支運四年仍令蘇松等府民運糧二百七十四萬石貯徐

州倉令官軍支運

六年奏准浙江江西湖廣蘇松常鎮太平等府發撥民丁

及軍多衛所添撥軍士與見運軍士通二十四萬分兩班

更替償運

七年議准民運多失農月及官軍空船往還艱苦著例民

糧加耗腳各與附近水次兌與軍運

應天蘇松等府每石加耗米五斗六升又兩尖米一斗共六斗六升內除四斗隨船作耗餘米二斗六升折銀一錢三分名二六輕齋今減去二升止徵二斗四升改爲二四輕齋於內仍扣畱銀一分腳米每石六升折銀給運官同有司爲買辦物料修船之費會通河成省腳價始立減扣法扣畱者以備修惠通河牐量減者以寬民力

成化七年都御史滕昭議罷瓜淮兌運裏河官軍雇江船於

江南水次交兌民加過江之費

以上江南通志引明會典

十年立改兌法蘇松等處糧米改令官軍各赴彼水次交

兌時設收兌糧長除官甲國戶田糧自兌外其保區民戶

田畝秋糧每名約收一千二三百不等兌給官軍

嘉慶松江府志

令瓜淮官軍過江兌運除加耗外每石添給腳米六升改

兌耗米應天蘇州松江鎮江廣德每石俱三斗二升鳳陽

淮安揚州每石俱二斗七升徐州每石二斗二升以上各

加耗內各折米二升易銀一分名折易輕齋凡改兌俱無

尖米盤剝之費

二十年奏准河道淺阻糧運遲滯運到京者悉免曬颺每

石加耗米四升每石兌運該收耗米並免曬颺米四升俱

作正數支放

以上江南通志引明會典

弘治五年戶部言蘇松諸府連歲荒歉民買漕米每石用銀二兩而北直隸山東等處歲供宣大二邊糧料每石銀一兩去歲蘇州兌運已折五十萬石每石銀一兩今請推行於諸府而稍差其直災重者石七錢稍輕者石仍一兩俱解部轉發各邊抵北直三處歲供之數而收三處本色以輸京倉則費省而事易集從之

明史

十六年蘇州府起運秋糧運送南北兩京計白糙等米連耗三十七萬九千四百四十五石

此上供及勲臣官吏祿俸俱係民運兌軍

運送北京計米六十五萬五千石耗米五十七萬七百二

十七石

俱漕運總兵派撥各衛官軍來倉兌運京運二倉以爲軍儲

王府白熟米連耗

蘇州府志

卷十六

田賦五

四

一萬一百七石

此米近年才運蓋因親王在京戶部撥充

價尤爲倍蓰民甚病之夫米天下之通產也何獨蘇爲哉特無人建明耳

淮安改兌正耗米五

萬五千四百四十石 京庫金花銀折米五十七萬四千

五百石 濶白綿布折米一十五萬二千石 鳳陽揚州

二府折銀米一萬四千五百十八石

姑蘇志

嘉靖四十四年御史張振之疏止民運

黃河之疏略據揭報爲

妨阻糧船議照往年河變事例將糧米寄囤就撥各軍看守空船回南修船仍照舊管運到京但來歲之糧不能不取之民運等因臣查先年民運止於徐淮臨德四倉官軍轉運尙交納稱難弊害百出而議爲官軍水次交兌自成化以後百年相守田野郊邑之民不知運糧爲何事矣一旦責之舍耕鋤操舟楫而涉歷江河險阻風濤洶湧之衝其誰堪之彼有號苦而已耳駭走而已耳有力者則囑託舌免轉相攀陷而已耳此其不可行一也萬一迫於官司

不得已認役則不得不轉包積年走京光棍私雇橫惡長船召無籍水手欲無侵累賠盜不可得也此其不可行二也有民運則必有官部運裁革冗員之後官既不多數千里遠行欲無常例科索不可得也此其不可行三也旗軍交兌下有千百戶上有指揮把總然且船抵水次而有頑戶不納倉廩無糧較斛議耗交相關怒又或勢豪私兌每至米不乾圓潔淨抵京挂欠追賠一田野小民欲與有司較美惡爭多寡論遲速得乎其勢不可行四也往時十年一編支吾傾貲代應不止也此其不可行四也往時十年一編均徭今則提編加徵不知幾倍矣往時十年一審糧長今則三年一當甚至年年者矣往時十年一名里役今則一家二三名矣當此困窮雖賑荒蠲賦尚不能救而加此百年未有之役乎此其不可行五也一年開端將來遂爲定制寄國守凍無歲無之今年凍阻明年兌運孰不以後到之爲利此其不可行六也此臣所謂民運之害斷斷不可行也 嘉慶松江府志

萬曆二年題准各處隨糧輕齎銀通解漕司內將三分給運

官其七分選定解官裝入標船星夜越幫前進送通倉坐

蘇州府志

卷十六

田賦五

五

糧郎中秤過寄庫候該幫船到驗給運官完糧

七年又令完掣通關之日查無挂欠亦便與運官領回分

給漕運總兵萬表糧運輕齎者即耗糧也先是耗糧俱本低昂不一而易賣又滯交納弘治十三年都御史張敷華都督郭宏方議折銀每石定價五錢可以輕齎就於交兌之時支領隨船此一六二六三六輕齎之名由始也然只令完納兌運三百三十萬石而已餘耗本折皆歸旗卒官因無利之者是故旗卒富饒糧運於斯爲盛至正德六七年来京師權要始有官債虛立文約逼奪輕齎而弊又從此生矣時各總運官多出其門牽引爲害蓋借公物以爲私賂希寵庇耳於是始有鞘封過淮赴漕運衙門呈驗重封仍委官至張家灣過發之蓋以革通奪之弊而把總聶欽遂引資緣驗封查算使用以羨餘獻之於官故又有扣除之例矣欽雖即以賊敗而後之相繼者則用意算扣歲增其數成務多獻以爲功太倉庫所積羨餘至盈數十萬而官旗揭借賠費賠害不可勝言欽之倡始爲可罪也夫一六二六三六輕齎乃耗糧也惟因地有遠近故耗有多

寡非腳價也若腳價則一例矣灣中起糧使用則各總皆同又何必分一六二六三六之殊哉今以輕齋扣除於官是則正糧四百萬之外復收其耗糧也豈制法之意乎後又添設參將一員駐劄通州專一驗封參將王佐乃定腳價搜括倉中使用如太監則有茶果錢如經歷倉攢每石一釐則謂之釐兒錢及至吏書門官斗級之類莫不定之以數每年造報花銷遂以爲例先年倉中使用初無定數每因人之狡儒而高下增減之司使用之人又有虛數以欺衆者累至爭訐故此法一立一時人亦便之但使用公行太監茶果又添火耗催茶果者又有班兒錢其經歷倉攢往年各衙得以所帶本地貨物高價與之而今皆紋銀且以此爲應得又於數外求之爲厚薄低昂矣蓋作法於涼其弊猶貪作法於貪弊將焉止故爲法不可不慎也

是年議准每船許帶土宜六十石多者盡數入官如遇淺起剝自備腳價以上江南通志

九年議准漕司及各巡撫將江南五府應運白糧令各糧

蘇州府志

卷十六

田賦五

六

長仍雇五百料中船勿令夾帶私貨應得水腳當官議定先給一半其餘封印船過徐州總部官驗給又題准每歲解京白糧務點殷實糧戶正身解納不許棍徒包攬應用米數先儘本名如有官戶銀米責令運送倉庫轉給領解以杜短少賠累船隻許令糧長自雇五百料中船每百石定給銀三十三兩埠頭等役悉行查革經過鈔關如果止於土宜四十石免其納稅明會典

陳睿謨論白糧解役疏略竊惟國家財賦大半取給江南江南力役重大莫如糧解漕糧白糧兩解皆公儲也皆公役也然漕糧係軍運軍係伍丁白糧係民運民運則照地畝簽差名曰大戶夫惟以大戶充糧解其賠累有莫可言者矣東南諸省如湖廣江西等府俱止有漕糧無白糧即南直浙江惟蘇松常嘉湖五府獨有白糧臣每見里中糧

役收領正米外更有各項名色官有管轄遂因其管轄而遞索之事有款項隨照其款項而各科之運船未出江口而使費已耗其大半矣用是不避怨嫌臚列四款一曰糧官陋規當裁官常肅而糧解之節省無量矣一曰胥役冗費當革需索少而糧解之輸納易辦矣一曰沿途阻壅當卹此又疏通糧務之一關鍵也一曰包攬積蠹宜懲此又區處解役之一權宜也

天啟七年巡撫毛一鷺議止民運赴淮交兌一鷺與總漕書

祖條議因漕兌日遲將東阻各船令各郡邑運米赴淮就近交兌此中士民一聞斯舉皆相顧徬徨爭言其極不便者且極言其大可慮者蓋三吳賦額半於天下卽以蘇松四郡言之爲漕糧計正耗百五十三萬石爲運船計三千艘爲經收糧長計萬餘人今欲民自雇船運淮交兌無論此中輕船小艇既不堪重載且不便出江卽吳地經商者亦皆從浙湖外江雇船非若江廣淮揚諸處商船雲集可呼之立至也無論民力已殫無資覓船卽有費而無船將安用之此不便在雇船也此中糧多則糧長更多年來十役九廢官甲大戶外率多零星小戶在途盤剝未免疏失

蘇州府志 卷十六

寄頓慢藏更虞火盜一官之耳目有限各船之照管難周此不便在押運也軍強民弱從來皆然向在水次交兌有道府彈壓守令講戰尙時有凌虐之端若迫之遠涉何異赴湯蹈火且令與悍軍講兌不啻如羊見虎逃亡勢所必至此不便在交兌也糧長不獨辦漕糧一項折色亦屬催辦有如以本色遠涉將折色白銀屬之何人是本色未必速而折色愈加緩況兌糧正值農忙之時奪其農時必至拋荒田地春不耕秋何望且將爲來歲之漕慮矣此不便在催徵也每石減耗一斗在運軍似亦廢米若干石然此一斗之耗軍豈甘心短少稍加抑勒便足取償且各糧長盤剝虧折費必數倍勢必復派里甲當此皮骨空存之日誰堪疊役誰堪重徵互相規避輾轉遲延此不便在科派也各省修船彙集淮上或船到而匠役缺乏或船到而材料未充或米到而船未修或船修而米不至東阻之餘益增其守候之苦況以一衣帶水屯數千百之船爭先競後擾攘擠軋欲速而反遲此不便在修船也至遠近船隻見漕事需船急於星火誰肯操舟勢必裹足遠匿將鈔關之額課必虧又常鎮去歲困於旱蝗有如客船不到米價必至騰貴恐搶攘衝決事出意外而況目今三王之國凡公私船隻皆取資於喪運萬一東阻之船旣以封閉而不

至商販之船又以懼禍而不前則數十萬漕糧豈能無脛而走凡此不便款係似在漕糧之外病痛俱在漕糧之內也
正今日漕事切膚隱憂
嘉慶松江府志

崇禎二年推官徐日曦議募船代運

郡乃先事預圖漸遲於邇年況西北戎馬生郊宜東南轉輸更亟先事預圖何如拮据近奉憲檄恪遵明旨欲雇募民船以濟新運委曲權宜勢非獲已第須商酌調妥不致臨期踈誤錄來漕米出辦民問運艘責之旗甲有司衛弁分曹而治船至無糧郡縣之咎若幫船少而回空遲雖有催督之任者不能代之理也政惟專屬略無旁誘於是催督必嚴修船必飭人與事習係無他虞間有漂溺焚燬灑帶未盡量饒民舟補其見缺然亦漕軍自供厥役祖制時宜承無攸教今一旦問之州縣代與雇覓其資斧取之輕齎月糧猶可言也并輸輓分之問閭衙役其可繼乎二郡之糧十有七八運船此時百無一至若輩尋常遷延規避功令驅之猶且不率聞有代之勞而分其過者裹足匿影益以有辭求之愈急應之愈緩民糴不已改爲民運江南無縣無白糧無歲無南解析骸殞命蕩產鬻兒支吾門戶不給

蘇州府志 卷十六

田賦五 八

向克代軍伍難勝之任乎職每從監兌見諸軍咆哮不戢現船現米生端捐勒多索耗贈爭嫌米色豁壑是盈如奉驕子若更子之以自便累民以難堪濟變一時階厲後世恐漕法繇此壞矣蘇常鎮州邑臨大河通商船者有限其餘迂回僻遠港水淺窄與雲間三縣逼近海濱又有柳浦之險運艦而外江廣載船日月一至往往白糧解戶遠涉江外身家相倚賠費不貲使雇船一人運糧更一人痛癢不關情態錯出毋論薄版輕舟負重致遠洪波懸溜意外生虞甚有不肖奸旗折乾盜賣利其漂沈推諉首事雖竭頂踵不足以殉作事謀始寧得不鯁鯁過計以職之愚謂徵糧有無有司事也催督旗船仍屬衛所稽查現在回空修船之數星夜到次交兌開幫刻期嚴限毋以代雇爲辭果被兵燹急難修造或凍涸不前需待無日者亦必官軍親集兌所算給應領資銀隨便雇買船隻撐駕兌運自可無誤彼知無善於此抑職尤有說焉漕事之難無過於松救急之方無善於此抑職尤有說焉漕事之難無過於松以半月嚴追幸竣其局究竟縣官猶煩白簡今年災歉特甚愈不聊生哺槽咽糠逃徙亡算職每親臨比併見民皮骨僅存血杖淋漓淚與俱下然不敢愛姑息而後催科定

當竭心力以稱上指第雇船代運之事斷難加積贏極困
之氓責之無米之炊望其不脛而走一朝反側恐有不可
言者職方被催督之檄爲此迂緩之言迹疑自寬念則轉
切爲地方乃以利國家惟台臺詳計而審行之
江府志 嘉慶松

國朝順治二年覆准糧長簽解白糧受累無窮宜改爲官解之

法路費腳價額派之外不許多索民間分毫
大清會典則例

四年題准白糧改爲官運以府通判爲總部縣丞典史爲

協部吏典爲押運
大清會典則例

八年總督漕運沈文奎以官運經費不敷題准加給耗辦

米各有差
康熙志

九年題准各省雇募民船水腳江南蘇松等處每石自三

蘇州府志

卷十六

田賦五

九

錢至三錢五分均於月糧耗米並輕齎銀內動給

十一年奉

恩詔白糧民解累民官解仍以累民今後於漕船分帶以省官
民之累

十二年覆准白糧既照舊官解從前題請加派耗米經費
加增水手夫役名數皆應照該督所請行蘇松常三府白
糧除原額正米耗米舂辦米三項外每正糧一石加派耗
米二斗四升水腳添簞提溜腳價銀一兩三錢每船加舵
夫水手十有二名每名給米三石看糧夫役二名擔運夫
役二名各照船數一例均派總部協部公費工食就糧米

多寡哀益酌定足以供用

是年戶部遵

旨議准各省漕糧過淮應限月日均照議單開載江南江寧蘇

松等處限正月以內過淮

以上並大清會典則例

十四年戶部覆准江南白糧照浙省例抽選漕船裝運

又准巡按御史秦世禎疏定漕糧官收官兌令各府州縣

印官照派定區圖貯收在倉驗依淮單交兌每正糧百石

除正耗外加米五石銀五兩交與旗弁

十六年准巡按御史馬騰陞疏自今民戶各照應納糧米

並耗贈及五兩五石儘數交納收糧官官隨收給串即發

蘇州府志

卷十六

田賦五

十

歸農俟旗船到次衛官竟與印官糧官交兌軍民兩不相

見則五兩五石之外無苛求官收官兌之法爲至便

馬騰疏

略臣於去年題准良法虛懸一疏業經嚴飭各屬畫一遵
守矣恐將來不肖有司陽奉陰違仍復審簽糧役如蘇之
公正糧長松之圖記典耆常之里甲圖收一經簽定收漕
責成漸復在民請自今秋早定收漕各官開倉之日糧戶
輸納即挨次交收無致臨兌雜書縣官照條銀例先期印
發糧串解過糧米糧官即照數填給勿使糧戶伺候至如
兌竣之通關每多勒措五兩五石之外日順風日花紅日
犒賞巧立名色恣意索取今議各州縣漕船聽候漕臣頒
發全單給糧道開明某衛各船若干隻兌某縣米若干石
該道頒發號單每單兌米一百石連加贈銀米交清即將
一單著令衛官填註收數一船兌足即出給水程勒令開
幫是爲節節制絕使無勒措通關之弊再令糧道查照各
屬額設幾倉每倉預發號簿幾本將前各丁船開列在簿
兌足即註明兌足如過期不兌監兌推官周歷所至按簿
責比旗軍以杜愆期之弊更有驍軍沿途停泊竊取墳樹
種種等情許地方官嚴拿解送糧道或兵巡守道重懲其

運官約束不嚴申報漕撫候過淮之日創治以禁在途生
事倘水程限日遲延一並查處糧艘可速進而延誤之弊
亦除矣

又準科臣朱紹鳳以蘇松常鎮四府糧多路遠領運旗丁
不無常例雜費於五兩之外再加五兩

康熙志云遂爲其五米十銀之例

江安等十一府州俱仍係五米五銀

以上並江南通志

康熙元年覆準蘇松常三府白糧雇用民船水腳銀編載全
書計包給發均從米數科算並無別設雇船私貼之項惟
至丁字沽每石應用雇駁銀一錢二分今漕船可直抵通
此項應裁省解部至於額編看船糧夫每名工食十有二
兩擔運夫每名工食七兩二錢南北艱辛僅充口食難議

蘇州府志

卷十六

田賦五

土

裁減

十四年覆準江南蘇松常等府白糧照浙江例分於漕船
帶運計白糧十有五萬一千餘石每船裝米五百石約用
船三百有二隻每船原派行月照支給經費銀三百三十
兩八錢六分之例其應給經費銀九萬九千九百十有九
兩七錢有奇共節省經費等銀十有三萬一千二百六十
七兩八錢米口萬八百六十九石八斗有奇

又題準蘇松常等府白糧抽選漕船裝運應用三百有二
船其三百二船之漕米分灑於各漕船帶運每船帶運米
六十餘石米多船重每石給銀五分約算每船給銀三兩

又題準蘇松常等府白糧選糧船裝運每船議給經費銀三百三十兩有奇繫由牘鋪墊與備辦包索添簞提溜等項均屬必需之款應照原議給發

又題準江南蘇松常三府白糧向來雇募民船受兌嗣後抽選漕船運白各船應載漕糧分於餘船帶運每加裝正米一石給負重銀五分

又覆準白糧改令漕船帶運裁去總協二部蘇松常三府每府增設千總二人每年輪流領運

又覆準蘇松常三府白糧每幫增設隨幫一人押趨回空十五年覆準白糧已經倉場具題河下兌放改進通倉蘇

松常等府每船經費銀三百三十兩有奇內除交通濟庫由牘銀四十兩外其餘河下兌放每船覈減銀四十二兩八錢六分改進通倉覈減銀二十二兩八錢扣存道庫報

部充餉

以上並大清會典則例

十七年將蘇松常鎮贈銀裁減五兩

二十年將蘇松常鎮四府所裁贈銀五兩內復給三兩五

錢本年九月奉

上諭積貯爲國家大計歲運漕米充實京倉最爲緊要旗丁人等挽運勤勞宜加存恤朕頃巡行近畿至通惠河一帶見南來漕船旗甲人丁資用艱難生計窘迫深爲可憫若不預爲籌畫

恐其苦累難支以致沿途遲滯貽誤倉儲所關非細前以軍需浩繁漕運額設錢糧節行裁減今行作何酌復款項爾部詳議具奏戶部議覆此項銀米原係額設應給之款自今年起運十九年起各省所裁減耗贈米俱行復給

二十五年糧船概定每船十丁又定三分本色席片止徵解二分五釐減去五釐一並折銀與前七分折色銀均解通濟庫

以上並江南通志

是年咨準蘇松等衛閏月錢糧乃計口授食全書額編之款各軍春出冬回多此一月難以枵腹此項閏五月糧應仍準支給

二十七年題準各省修船銀定例在糧道庫內支給報銷其江安蘇松等處修船銀向係各衛官軍於過淮時造報總漕批給今酌議停其解淮統歸糧道給發其天津通州二處三修銀在通濟庫內支領

三十二年題準蘇松所屬州縣額徵加漕裁扣六升等銀原係供支蘇松漕糧運軍行月之需舊例解交江安糧道給發報銷今酌定解交蘇松糧道總作完欠支給奏銷四十二年題準蘇松常三府白糧於回空無欠之江淮興武等十一幫內無論已運未運簡選殷實運軍堅固漕船五年一次輪運毋致違誤

以上並大清會典則例

五十二年準蘇撫張伯行疏江南漕船仍照原限勒令正

月以裏過淮

江南通志

五十六年覆準蘇松常三府白糧經費先經民運每船需銀七百餘兩後於康熙十四年照浙省例改爲漕船裝運每船給經費銀二百九十兩有奇爲沿途盤駁添簞提溜抵通堆囤看守交倉鋪墊等費又給行月銀米以爲運軍安家之費二十七年於奏銷案內停其支給行月四十二年因停支行月於經費之外給飯米銀五十四兩四十三

年以運漕運白均屬一例將經費盡裁照漕例支給行贈銀米但浙江白糧除行月外每石給漕截銀三錢四分七

蘇州府志

卷十六

田賦五

十四

釐飯米七升二合江南除行月之外每石止給贈銀一錢四分五釐比浙江少給銀二錢二釐應準其照浙江白糧漕截之例每石補給銀二錢二釐以爲沿途盤駁堆囤交倉鋪墊諸費在道庫減存銀內支給

大清會典則例

雍正二年五月

上諭漕運關係甚大經費本無不敷而運丁恣行不法者皆由官弁剝削所致嗣後各省糧道給發錢糧不許扣剋分釐沿途武弁不許藉端需索運丁除包攬抗違外所帶些須貨物亦無容苛刻盤查

江南通志

四年題準各省應徵楞木松板舊例係三分本色七分折

色蘇松等府將應徵本色徵銀給運軍辦交嗣後將松板全解本色楞木改徵松板亦全解本色

大清會典則例

五年覆準蘇松常鎮太五府州屬漕船無論土著協運皆就向年原兌府屬止調本省各邑水次定以三年一調杜

其久戀情熟盜賣鑽營之弊

大清會典則例

六年九月準漕聖關監督李秉忠請近有帶土宜六十石免稅之例但恐不肖運丁借端藏隱侵欺將貨分散各船或沿途包攬轉誤回空之期今回空糧船帶有黎棗及應行上稅之物仍令輸稅

七年五月

蘇州府志

卷十六

田賦五

五

上諭土宜著於舊例六十石之外加增四十石准每船攜帶百石永著爲例

八年正月

上諭浙江蘇松等屬應解三分本色松板著俱改徵折色令各該糧道彙解通濟庫以備採辦之用其湖廣江西安徽等處全解十分本色者著倉場侍郎嚴行稽查不許收板官吏勒索使費

十一月奉

旨浙省白糧係民間春辦江南百姓輸納糙米官爲春白一應細包搬運皆屬官辦其所有耗米束包等項俱著照該撫尹繼

善所請准其開銷以上並江南通志

十三年額徵漕糧正改兌正米五十萬二千五百五石九斗五升八合耗米一十九萬七千九百七十四石四斗七升

白糧正米四萬四千五百九十六石三斗三升一合又耗米一萬三千三百七十八石八斗九升九合

隨漕雜項米共八萬三百七十七石五斗四升四合麥一千七

百六十六石九斗九升五合內贈貼五米三萬五千二十

衛軍儲米二萬八千三百七十七石四斗八升一合蘇太鎮三

儀二衛幫丁月糧米六千二百四十四石二升一合協濟揚

軍盤用耗米七千七百九十一石八升六合給軍運船

食米三千二百一十石九斗二升五合協濟鎮江衛幫

蘇州府志卷十六

丁行月麥一千七百六十六石九斗九升五合銀二十六萬四千二百五十三

兩八錢九分二釐內贈貼十銀七萬四千八兩四分二釐

輕賣正損費并七分蘇太鎮三衛軍儲銀

萬七千五百一十一兩六錢九分三釐蘇太鎮三衛

二萬五千七百四十三錢四分七釐蘇太鎮三衛

造船料價民七軍三銀六千五百二十七兩五錢八分九

釐協濟鎮江衛幫丁行月銀七百六十四兩七錢一分

一釐協運揚儀二衛幫丁月糧銀三千五百四兩四錢

五分九釐漕糧改折灰石銀一萬八千一百五十一兩

一錢六分一釐白糧經費銀三萬九千六百六十八兩二錢

六釐裁存經費銀三萬九千六百六十八兩一錢四分

分七釐各倉損費銀一百七十二兩一錢四分四釐

乾隆二年蘇松等府州減徵白糧改徵漕糧應減白糧船仍

令兌漕實起運白糧船百三十有六大清會典則例

又覆準江南蘇松常太四府州白糧減額改徵漕糧見運

白糧項下徵收支解經費銀三萬八千三百八十九兩一錢四分米六萬一千一百二十三石五斗四升各有奇改徵漕糧項下徵收隨漕支解銀二萬三千七百八兩七錢三分米三萬八千六十五石九斗八升各有奇應減徵銀二萬七百七十七兩六錢七分米萬九千六百五十二石一斗七升各有奇永免科徵尙餘減存經費銀二萬九百五兩有奇照數徵解

又

諭聞得江浙兩省民間輸納白糧較漕糧費用繁重甚屬艱難朕心深爲軫念諭令該部詳考據奏兩省歲運白糧二十二萬蘇州府志

卷十六

田賦五

七

餘石太常寺光祿寺各賓館需用二千餘石王公官員俸米約需十五六萬石內務府禁城兵丁及內監食用等項需萬石尙餘五萬石存倉等語朕思光祿寺等處所支原以供祭祀及賓館之用在所必需其王公官員俸米應用白糧者可酌量減半以秬米抵給至賞給禁城兵丁及內監食米亦可將白糧裁減給以秬米如此則每年所需白糧不過十萬石仍照常徵收起運其餘十二萬石著漕運總督會同該督撫酌行改徵漕糧其經費銀米均照漕例徵收以紓民力

又題準蘇州府白糯米原辦運四千二百六十八石二斗八升四合零今派二千八百十有九石餘均改徵漕糧